



MEMORIA XUSTIFICATIVA DAS SUBVENCIÓNS INSTRUMENTADAS MEDIANTE CONVENIO AO ABEIRO DO PLAN ESPECÍFICO DE SUBVENCIÓNS A CONCELLOS TURÍSTICOS CON ELEVADO INCREMENTO POBOACIONAL, PARA A CONTRATACIÓN DE AUXILIARES DE POLICÍA LOCAL DURANTE A TEMPADA DE VERÁN DE 2017

1. Departamento que tramita o convenio

O Decreto 72/2013, do 25 de abril, polo que establece a estrutura orgánica da Vicepresidencia e da Consellería de Presidencia, Administracións Públicas e Xustiza (DOG núm. 91, do 14 de maio), atribúelle a este departamento, a elaboración, proposta e execución da política do Goberno galego en materia de Administración Local así como as competencias en materia de asistencia á Administración Local e o fomento das liñas de colaboración coas Entidades Locais.

No mesmo Decreto de estrutura orgánica, o seu artigo 20 establece que é competencia da Dirección Xeral de Administración Local, as relacións coas entidades locais e coas demais institucións relacionadas co ámbito do poder local, así como o fomento das liñas de colaboración coas entidades locais galegas no referente á convocatoria e execución das subvencións a elas destinadas.

2. Antecedentes

Segundo dispoñen os artigos 25 e 26.1 da Lei 7/1985, do 2 de abril, reguladora das bases do réxime local, e os artigos 80 e 81 da Lei 5/1997, do 22 de xullo, de Administración Local de Galicia, os concellos deberán prestar á súa cidadanía os servizos públicos que contribúan a satisfacer as necesidades e aspiracións da veciñanza.

A Lei orgánica 2/1986, do 13 de marzo, de forzas e corpos de seguridade, sinala que lles corresponde ás comunidades autónomas coordinar as actuacións das policía locais dentro do seu ámbito territorial. Con tal motivo promulgouse a Lei 4/2007, do 20 de abril, de coordinación de policía locais de Galicia, que veu substituír á Lei 3/1992, do 23 de marzo, co obxectivo de coordinar as policía locais do seu territorio, obter un funcionamento homoxéneo destes corpos e acadar unha acción conxunta e eficaz no sistema de seguridade pública galega. Nesta mesma Lei, no artigo 95, prevese que nos concellos con aumento notorio de poboación en tempadas determinadas poderase incrementar transitoriamente o seu cadro de persoal mediante a contratación de persoal con funcións de auxiliar de policía.

Pola súa vez, a Lei 5/1997, do 22 de xullo, de Administración local de Galicia, establece, entre outros principios, o de que as entidades locais galegas e a Xunta de Galicia adecuarán a súa actuación aos de colaboración, cooperación e auxilio que puidesen precisar conxunturalmente para o eficaz cumprimento das súas tarefas, entre as cales está a de seguridade en lugares públicos.

No marco xurídico descrito, a Xunta de Galicia ten entre os seus obxectivos potenciar e apoiar a prestación de servizos por parte dos nosos concellos, como Administración máis próxima aos administrados; por este motivo atopa de interese reforzar a vixilancia e a seguridade en concellos turísticos de Galicia durante a tempada de verán, co fin de aumentar a eficacia dos seus corpos de policía local no desenvolvemento das funcións que lle son propias, polo que ten de apoio ao mantemento dun importante tecido socioeconómico e da prestación de servizos, redundando todo iso na mellora da vida local que é o ámbito máis próximo e que incide de xeito máis directo na vida da cidadanía. Para tal fin é preciso que os referidos concellos contén con persoal auxiliar de policía local durante a tempada de verán, de xeito que se preste un mellor servizo á poboación que neles reside e indirectamente ao conxunto da poboación de Galicia.





3. Finalidade

As dificultades para afrontar os compromisos económicos que o reforzamento dos cadros da policía local durante a tempada de verán representan para as facendas municipais únense á necesaria aplicación de criterios de eficiencia na asignación dos recursos públicos, nun contexto de austeridade económica e estabilidade orzamentaria no que se inscribe a acción de todas as administracións públicas, sen que a Administración local constitúa unha excepción neste sentido. Neste contexto, a Xunta de Galicia, no marco do fomento das liñas de colaboración coas Entidades Locais, atopa de interese apoiar o significativo esforzo en materia de seguridade cidadá e vixilancia que os concellos deben realizar, esforzo directamente relacionado co notorio incremento poboacional de carácter estacional do que é representativo o número de prazas de aloxamento con que estes concellos contan.

O Decreto 193/2011, do 6 de outubro, polo que se regulan especialidades nas subvencións ás entidades galegas, de aplicación ás subvencións concedidas pola Administración xeral da Comunidade Autónoma de Galicia cuxos beneficiarios sexan as entidades locais galegas, contempla que o órgano competente para a concesión de subvencións poida elaborar un plan específico para liñas especiais de subvencións de carácter singular dirixidas ás entidades locais cando existan razóns de interese público, social, humanitario ou outras debidamente xustificadas que dificulten a súa convocatoria e así se recolla no plan.

En atención ao anteriormente exposto, estimando que concorren as circunstancias de interese público, polo que supón de apoio en materia de seguridade cidadá e vixilancia e de contribución ao mantemento dun importante tecido socioeconómico e da prestación de servizos, redundando todo iso na mellora da vida local que é o ámbito máis próximo e que incide de xeito máis directo na vida da cidadanía, aprobouse o Plan Específico de Subvencións a concellos de Galicia para a contratación de auxiliares de policía local durante a tempada de verán 2017.

As subvencións destináronse a aqueles concellos turísticos de Galicia con elevado incremento poboacional, que vaian realizar contratacións de auxiliares de policía local para o reforzo do corpo durante a tempada de verán.

De conformidade cos requisitos indicados no Plan específico, seleccionáronse os concellos cos que se formalizaron os convenios aos que se refire esta memoria para instrumentar a concesión das subvencións e polos importes que para cada un se indica:

CONCELLO	Importe da subvención
Baiona	12.500,00
Grove, O	12.500,00
Nigrán	7.500,00
Poio	7.500,00
Ribeira	7.500,00
Sanxenxo	15.000,00
Sarria	7.500,00
TOTAL	70.000,00

4. Obxecto dos convenios

O obxecto dos respectivos convenios é fixar as liñas de colaboración entre a Vicepresidencia Consellería de Presidencia, Administracións Públicas e Xustiza e os Concellos de Baiona, O Grove, Nigrán, Poio, Ribeira, Sanxenxo e Sarria para aumentar a eficacia dos seus corpos de policía local, no desenvolvemento das funcións que lle son propias, durante a tempada de verán 2017 mediante a contratación de auxiliares de policía local.





5. Fundamentos dos convenios

Con data 17 de agosto de 2017, a Vicepresidencia e Consellería de Presidencia, Administracións Públicas e Xustiza, de conformidade co previsto no artigo 5 do Decreto 193/2011, do 6 de outubro, polo que se regulan especialidades nas subvencións ás entidades locais galegas (DOG núm. 201, do 20 de outubro), aprobou o Plan Específico de subvencións a concellos turísticos de Galicia con elevado incremento poboacional, para a contratación de auxiliares de policía local durante a tempada de verán 2017 naqueles concellos turísticos de Galicia co maior incremento estacional de poboación vinculado ao seu carácter de destinos turísticos e á capacidade en prazas de aloxamento.

Neste Plan establécese que para canalizar as subvencións previstas formalizaranse os correspondentes convenios de colaboración, mediante os que se contraerán, con cargo ao crédito orzamentario que legalmente procede, os compromisos económicos concretos que se deriven das obrigas asumidas pola Vicepresidencia e Consellería de Presidencia, Administracións Públicas e Xustiza para colaborar nas referidas contratacións.

Os concellos de Baiona, O Grove, Nigrán, Poio, Ribeira, Sanxenxo e Sarria, segundo datos do Instituto Galego de Estatística, atópanse entre os primeiros concellos turísticos de Galicia con poboación superior a 10.000 habitantes que dispoñen de maior número de prazas de aloxamento. Durante a tempada de verán, o incremento de poboación nestes núcleos require un esforzo adicional para atender a demanda dunha seguridade pública municipal reforzada, que responda con garantías a estas específicas condicións estacionais, mediante o recurso á contratación de persoal con funcións de auxiliar de policía, figura recollida no artigo 95 da Lei 4/2007, do 20 de abril, xa citada.

6. Aplicación orzamentaria e importe

Para a consecución dos obxectivos do Plan específico, a Vicepresidencia e Consellería de Presidencia, Administracións Públicas e Xustiza destinou SETENTA MIL EUROS (70.000,00 euros), con cargo á aplicación orzamentaria 05.23.141A.460.0, (C.P. 2015 00095), correspondente aos orzamentos xerais da Comunidade Autónoma de Galicia para o ano 2017, distribuídos do seguinte xeito:

- 15.000 € para aqueles concellos en que o número de prazas hoteleiras represente máis do 80% sobre o total de poboación (Sanxenxo)
- 12.500 € para os concellos en que o número de prazas represente máis do 20% sobre o total de poboación (O Grove e Baiona).
- 7.500 € para os concellos en que o número de prazas hoteleiras represente menos do 20% sobre o total de poboación (Nigrán, Poio, Ribeira e Sarria).

Polo exposto considérase xustificada a utilización do instrumento do convenio para articular as actuacións de referencia, quedando os ditos convenios fóra do ámbito de aplicación do texto refundido da Lei de contratos do sector público, aprobado polo Real decreto lexislativo 3/2011, do 14 de novembro, con independencia de que, ao abeiro do previsto no artigo 4.2. da dita norma, lles sexan de aplicación os principios desta lei para resolver as dúbidas e lagoas que se poidan presentar.

Santiago de Compostela, 20 de outubro de 2017

A directora xeral de Administración Local

Marta Fernández-Tapias Núñez

Documento asinado dixitalmente á marxe

